

國家圖書館藏

中華歷史人物別傳集

綾裝書局

關夫子聖迹圖考正

癸酉長至節

吳興沈澤多敬書



序一

天地間著光明磊落而不泊者。則惟日月星辰與山川河嶽焉。而浩氣塞兩間。經千古不磨者。則惟

漢關夫子也。昔孔子作春秋。序二百四十二年事。褒貶筆削。見麟而絕。蓋夫子以火德灰寒。觚稜輻邪。辭父母而出世。匡君救民。顛沛流離。身經百戰。始存炎劉於一線。直烏衣衣示兆。正氣歸天。心未嘗一日不在漢也。夫子復聖矣。先聖後聖。其揆則一。東魯西魯。其毓秀又一也。惟我夫子。忠昭日月。義貫乾坤。宜乎馨香百世。俎豆千秋。元巴郡胡琦著關王事蹟於前。明日照焦竑編次祠誌於後。如辛全之集。沈泰瀨之紀。不足論也。國初桃源孝廉盧子潛深。又有聖迹圖誌之輯。所序極切。所錄至確。其意無非植綱常。勵名節而已。又關夫子聖蹟圖考

二百年後。爲寶山凌子企曾。潛心理學。有志益世。所歷叙夫子事蹟。編稿成帙。名之曰關夫子聖蹟圖考。前後各爲四卷。一日。子以稿視餘運。并屬爲序。餘運受而讀之。感然曰。子何專心之甚耶。然關夫子集夥矣。而悉心精究者鮮矣。當子責猶我責也。乃不敢以不文辭。昔先慈談太君易簀時。曾囑餘運曰。聖理宜合。聖道宜循。今得斯稿。深感慈命。有所銘之佩之焉。恭惟夫子。生前以忠孝兩全。沒後以英靈奕世。誠可謂萬世人傑也。爰不揣冒昧。擲管謹爲之序。辛未一陽月中浣。上海後學王銓運謹敬拜撰。

序一

詒藏山房藏版

序二

蓋謂建非常之功。必待非常之人。而有非常之德之
 功。洪惟武聖。本堅白不磨之質。秉堅撓不拔之貞。其志在於春秋。其
 心存夫漢室。當此之時。賊黨起於前。奸雄踞其後。紀綱不整。皇室無
 尊。篡竊橫行。干戈迭起。不有人焉起而扶掖之。警覺之。將世界日暗。
 道德日亡。勢必不君不臣不父不子。不入於禽獸之途而不止。此周
 代孔聖。所欲作春秋以新明德。示天下以尊親者也。武聖繼孔聖之
 後。世代雖殊。志願則一。以至大至剛之氣。竟乃文乃武之功。訂生死
 於知交。願甘臣服。斥權奸於當道。誓不帝秦。義膽嘶風。千里關山誰
 阻。忠肝偃月。一燈衾影無慚。凜若冰霜。皎如日月。患難與共。富貴不
 移。帝也而乃神。神也而乃聖。故曰東山一人。西山一人。以聖繼聖。聖
 聖相傳。其德彌隆。其功亦彌至矣。今凌子企曾。誓以聖蹟圖考刊編
 益世厥功偉矣。第涉於不經淺陋之見。而有瀆神聖者。概為刪除。獨
 存正義。以重真傳。等於六經四子並傳而不朽也。雲嘉凌子考慮之
 深。有裨益於世道。爰執筆為序。辛未一陽月冬至前三日寶山後學
 楊雲薰沐敬序

關夫子聖蹟圖考

序二

二

貽燕山房藏版

題辭

炎漢末造時。草莽權奸叢。孫曹逞逆謀。篡竊妄稱雄。綱常胥失墜。稅
 政亂如蓬。世道江河下。民生水火中。幸惟昭烈帝。應運起兵戎。仁心
 浹造化。豪氣貫長虹。中原遍荆棘。憂將國祚終。賴聖翊輔忱。神威奮
 立功。桓武與順平。智勇懷聖衷。陰靈誓掃盪。忠義格上穹。春秋大義
 昭。心與至聖同。今古惟一。人乾坤正氣充。全功悲未竟。大星隕江東。
 立業雖鼎足。正統必尊崇。道德文章備。由來聖跡隆。采擷皆精華。豈
 止章句工。編纂付棗梨。凌子心力洪。凌子金贊。昂兒謹參閱。趨步隨槐翁。
 是書訓世深。經史實相通。人師資模楷。萬世垂無窮。
 辛未仲冬之月寶山陸遵銘寶彝氏敬題於曲江之韞石軒時年七
 十有九

關夫子聖蹟圖考

題辭

一

貽燕山房藏版

高宗純皇帝乾隆四十一年

上諭


關帝在當時力扶炎漢志節凜然乃史書所諡並非嘉名陳壽於蜀漢有嫌所撰三國志多存私見遂不爲之論定豈得謂公從前世祖章皇帝曾降

諭旨封爲忠義神武大帝以褒揚盛烈朕復於乾隆三十二年降旨加靈祐二字用示尊崇夫以神之義烈忠誠海內咸知敬祀而正史猶存舊諡隱寓譏評非所以傳信萬世也今當抄錄四庫全書不可相沿陋習所有志內關帝之諡應改爲忠義第本傳相沿已久民間所行必廣難於更易著交武英殿將此旨刊載傳末用垂久遠其官版及內府陳設書籍並著改刊此旨一體增入欽此

關夫子聖蹟圖考

上諭

詒燕山房藏版



關帝聖像



壯穆侯

關夫子追諡壯穆之辨正

後學寶山楊雲

考繆字於尤韻讀基幽切。絞也。於有韻讀密有切。猶錯也。許也。又讀若妙。秦繆之後以諡爲姓也。至屋韻之讀莫祿切。謂繆與穆同。可通作穆。其實音同義異。繆雖通穆而穆不能與繆通也。穆有靜默深遠之義。有威儀敬美之義。繆以美名。繆以惡名。例如雍穆緝穆之繆不能易繆爲繆。而曰雍繆緝繆。穆皇之繆不能易繆爲繆。繆而曰繆繆皇。皇况用之諡法。義終不當用繆。用於帝之諡法。義更不當用繆。舊誌封爵考。謂友人謝少連。選季漢書。輒因沿舊說。無一語爲帝表暴。因撫拾諡辨壽志。詳加考論。然陳壽以諡法名與實爽曰繆。壽實恨蜀。謂繆爲繆。惟以逞譏。究何所據。當拔壽舌。而汲冢周書諡法解曰。諡法名與實爽曰繆。當作繆。不作繆。壽之溷謬爲繆。非也。俗

關夫子聖蹟圖考

卷首

一

貽燕山房藏版

之溷繆爲繆。又非也。雲按前書。既加詳辨。欲爲帝吐氣。應直書用繆

不當再書用繆。今是書悉皆從繆。非故爲乖駁前人也。正其義也。

例言

一本旨 是編悉遵舊本不敢寬易。惟不經之說概不濫入。以循正史體例。

一辨正 帝之諡法繆繆二字。按之字義迥乎不同。前人穿鑿其說。謂可通用。誣帝甚矣。是刊特爲糾正。全編悉從用繆以正其義。

一圈讀 舊編不圈句讀。未明淺學者不易入口。未免望而生厭。是刊詳加圈讀。語句分晰。使閱者易於醒目。

一補空 舊編所輯行間字裏空白甚多。是編探微索隱。切實考正。一一補入。以求盡善。

一正訛 舊編刊刻未盡精良。魯魚亥豕在所不免。是刊悉心校正。關夫子聖蹟圖考 例言續編

一

貽燕山房藏版

用三號鉛字排印。以免前刊之弊。

一圖畫 是編倩取名手繪圖。凡八十餘頁。筆畫精細。情景宛然。較舊編所繪有過之無不及。

一篇目 是書共成八卷。上編四卷爲正。下編四卷爲續。

關夫子聖蹟圖考正編卷之一目錄

發祥考

全圖考

聖帝遺像

廬墓終喪

見龍生聖

回途遇相

避難至涿

涿州全勝

大破張角

同擊呂布

關夫子聖蹟圖考

正編卷之一目錄

一
貽燕山房藏版

隱居訓子

葬地發祥

詣郡陳言

憫冤除豪

桃園義聚

青州解圍

迅斬華雄

平原典兵

勸領州牧

許田憤奸

三約明志

贈馬拜嘉

白馬斬良

緘書告辭

中路收倉

古城重會

同顧草廬

華容釋曹

專督荊州

救釋張遼

徐州誅曹

秉燭達旦

受恩許報

南陂戮醜

五關斬將

斬蔡表心

共屯新野

沔江救敗

狗郡得將

省書示賓

力爭三郡

分地和吳

位列五虎

水滄七軍

大戰徐晃

烏衣兆夢

井磚示異

平將軍像

周將軍像

單刀赴肅

辱使絕婚

取襄圍樊

命醫去毒

退守麥城

正氣歸天

降夢州守

興將軍像

關夫子聖蹟圖考

正編卷之一目錄

二
貽燕山房藏版

關夫子聖蹟圖考正編卷之一

疏義

發祥

水必源潔而流清。木必根深而枝茂。德必累世而後昌。此天地自然之理數也。故周家開八百弘基。肇自太王之隱德。孔子爲萬世儒宗。良由弗父之恭儉。若聖帝立古今之人極。爲萬世之尊親。亦由帝之祖若考。世述春秋。明君臣大義。孝隆至性。篤父子天倫。兩世諱名。載巨碑於井渫。千秋年甲。發遺跡於清時。爰集成書。亟爲揚托。敢曰發前人之未發耶。亦以見木本水源發祥有自云爾。

裕後

關夫子聖蹟圖考


正編卷之一

貽燕山房藏版

莫爲之前雖美而不彰。莫爲之後雖盛而不傳。此明德薦馨。宗祧百世。貴乎有後也。若夫聖帝普天之下。雖荒裔絕域。莫不尊禮。朝虔夕祀。寧獨子姓春秋祭享耶。以云裕後。孰裕於此。况乎由元魏關朗。以迄於唐之關汲。或抱道養高。屢徵不仕。或蒼生屬望。位致平章。代有其人。未易僕數。是可見後昆之彌裕。皆由其先德之彌優。

稱號

德合天者謂之王。德配地者謂之帝。功高萬古者謂之神。神堯神禹。史氏之揄揚。關帝。關王。後賢之比擬。故武安之王。封於宋。伏魔大帝。封於明。尊之至者仰之隆。猗歟盛哉。然素王至聖。其臨文見事。不曰宣尼。則曰孔子。不必專稱曰聖人。曰文宣王也。



是集依據原書。廣搜博覽。或曰漢壽亭侯。或曰壯穆侯。或曰武安王。或曰關聖關帝。關夫子。稱謂不一。今總稱之曰關聖帝君。蓋遵明萬曆勅封也。

遺跡

人以地靈。俊傑固篤生於川嶽。地因人著。山川亦見重夫英奇。故甘棠留爲召伯。寇竹植自萊公。觀物興思。伊人宛在。况聖帝之忠心貫日。浩氣凌霄。迄今千載下。觀其飲馬名池。磨刀誌石之勝。猶凜凜有生氣。至若江陵城上日初紅。下邳州前春草綠。芳徽遺跡。慨慕無窮。

翰墨

乃聖乃神。功業已昭於天上。乃文乃武。流風猶播於人間。兩致

關夫子聖蹟圖考

正編卷之一

貽燕山房藏版

曹瞞之東。實光明而正大。三絨翼德之書。殊剴切而精詳。不獨文采風雅。非書生所及。抑且才情磊落。豈學士所能。詩竹堪被管絃。更餘奇巧。議論可驚天地。絕大文章。天縱多能。千秋欽仰。頌揚。

至德難名。非頌揚之可紀。鴻功足述。豈史乘之能傳。蓋地義天經。以一身而克全。龍爭虎戰。視三國以無雙。氣吞吳魏。山河忠貫九天日月。闡揚非褻。歌詠難忘。文既貴乎雅馴。辭尤徵乎切實。泛頌無當。概行刪削。

翊運

鼎足偏安。豈是平生之志。三分割據。長存未嫌之心。夫聖帝以智勇兼資。文武俱全之才。何難混一區宇。要知天意攸存。非是

人謀可強。是以生前行合乎道。身後幽贊乎天。天之所命。神必佑之。故累朝咸見其陰扶。百世事昭其翊運。總以竟當年未竟之志。滿後人未滿之心。承天應運。功業靡窮。

靈感

生爲忠良。歿爲靈神。寂然不動。感而遂通。此靈感之所由來也。然未有如我聖帝之靈感。尤迥異乎諸神焉。三教之廣。肖其威容。六合之內。彰其顯赫。即如聖籤。無求不靈。有感必應。皆歷歷見諸於實事。非渺渺聞聽於揣摩。集諸感召。共仰威靈。又如忠義真經。俾善士聞風而益勵。奸回沮志以消彌。是誠勸善懲奸之寶筏。允稱捍衛六經之大觀。讀者詳焉。

關夫子聖蹟圖考

正編卷之一

三

貽燕山房藏版

方在郵筒尚未領到者有甫得梓讀未及即登報者惟就候繼起君子再爲廣集云爾

發祥考

漢前將軍壯穆侯關聖帝君祖墓碑記

康熙戊午秋解梁州守鄆山後學昇菴氏王朱旦敬撰

天以剛氣舉大地。不汨沒中循正絡。表裏山河。充塞宇宙。東抵岱。中統爲條。故高莫如岱。正莫如條。中條千里環抱。瑞凝森秀。止蒲津。聿開唐虞。中天盛治。迄千五百年。而岱魯產素王。作春秋。紹二典。又五百餘年。條陰毓關帝。世述春秋。扶正統。今更千五百年。惟知條麓有墓。爲帝祖發祥地。遇春明有司肅衣冠致享。未有碣表也。帝祖石磐公諱審。字問之。以漢和帝永元二年庚寅生。居解梁常平村實池里五甲。公冲穆好道。研究易傳春秋。見漢政盛威。晚長秋。互竊枋柄。隕

戎索。火德灰寒。外枯中竭。絕意進取。去所居之五里許。得芬塲一片淨土。誅茅結誦。以春秋易訓子。數十年。絕塵市軌迹。至桓帝永壽三年丁酉。終正寢。壽六十八。子諱毅。字道遠。篤孝有至性。仍先志。具窀穸於所著讀書處。不知汨汨。爲子孫祈者。而其地適當條之至。中羣峰交擁。勢馳萬馬。咸整整列。無亂顏行。左壁象旗象旛。右塾肖鼓肖臺。俯瞰解池。懸盤盤。着襟帶。間時乘烈日薰風。熬波飛素。彷彿肝腸雪潔。雖曝陽濯漢不翅也。道遠公廬墓。號踊終喪。歸村居。已爲桓帝延熹二歲。明年庚子六月廿四日。生聖帝。何天之報德與。山靈發育。如是捷乎。蓋自唐虞來二千載。蘊積之素。至斯墓爲再兆。殆又聖帝之豐芭矣。然其年單超死。四侯轉樞。羣裂裳褒膝。借十常侍影響。縑崇華宇。無或揚春秋大義於人間者。則石磐公之讀其書。以

關夫子聖蹟圖考

正編卷之一

四

貽燕山房藏版

得有其孫。正難緩耳。帝生而英奇雄駿。既受春秋易。旁通淹貫。以古今事爲身任。稍長。娶胡氏。於靈帝光和元年戊午五月十三日生子平。次年遂謝父母。曰。兒已有後。足奉祖禰。今漢將燼。盈廷觚稜。輻邪誰爲扶紅日照人心者。遂詣郡陳時事。不報。有相人目之曰。君粟乾坤正氣。當血食萬年。何論名業。歸旅舍。聞隣人哭極哀。叩之曰。韓守義也。遭郡豪呂熊茶毒。呂黨連七姓。黠猾事中璫。蔑職紀。帝皆裂髮堅命守義。導至七所悉斬刈之。潛引去。意郡守稔羣惡。必原義士。勿引繩批根。而有司憚文法。遽迫求之。於是道遠公暨配流芳。腐井自虞。益作非來。竟迄聖善。夫人胡氏抱不避母族免。人遂指石磐公發祥之所。爲凶地絕望。久委陰翳。帝轉走五載。值中平元年甲子二月。張角等徧熾天下。帝大發兵。遣盧植申討。中山靖王後與植舊依

之帝閱各將無可事。至涿見靖王後。謂舍漢種莫可効。况英略天授乎。遂委質。雖共起居飲食如胞。而穉人廣坐間。必恪侍極之。顛沛患難。勿數君臣禮。且能化同列桓侯等如一。其得自祖父春秋之義而善用之。以自建立如此。故時而仕。則初平元年之擢卓。建安元年之強術。十九年之專督荊州。拒肅勁敵。膽碎披靡。二十四年破曹仁。降于禁。擒龐德。魏曹魄幾徙許還漢時而止。如初平二年之救瓊。建安元年之和布。五年就操保二妃。十三年赴瑜定南郡。十四年守襄陽。十五年屯江北。鎮靜軍民。睦隣集事無缺時。而久則薄官平原。三年無阻色。徙依荊表。七載無躁情。奔隨先主三十年如一日。時而速也。建安五年之歸舊。千里風行。五侯黃馬並封。片言受拜。襄樊迅擊。頃刻淹七軍。其得自石磐公春秋之義。可追宗素王如此。奈天不祐漢。

廉傳外傾。孟劉內背。致吳詭得行。於己亥十二月蒙難章鄉。帝諱某字長生。號雲長。修偉美髯。一髯特長。戰輒躍躍。被害之前夕。夢烏衣丈夫拜曰。余北海龍附帝助威猛。今期盡請辭。晨起特長之髯觸手落。心惡之。遂爲象人城上。西行臨沮。不旋踵。然則蜀漢難一統。由天數非人力。與素王之不爲東周同轍。况素王生魯襄之庚戌十月。即今八月。逝於魯哀之壬戌四月。即今二月。帝生於庚子六月。即周之八月。逝於十二月。即周二月。以夏時計。則素王實稟春秋兩時之正氣。以周曆考。而帝亦賦春秋兩時之正氣。故岱魯素王以特筆維東周之衰。帝鍾條麓。用春秋特筆。正漢統。天地剛氣不汨沒如是。然素王初起。孟禧子知弗父何之後。必達。帝之學古行道。詎非石磐公豐邑之徵乎。帝以建安二十四年七月。拜前將軍。假節鉞。祖考應得

贈如前將軍。爵後主景耀三年庚辰。追贈聖帝祖暨考。應得贈如侯爵。然而壘隧襲襲。垂千五百年刊落名字。何也。帝長嗣平。同日被難。次嗣興。字安國。爲丞相亮所深器。隨居蜀。襲封壽亭侯。官侍中。中監軍。蚤卒。子統。嗣爵尙公主。官虎賁中郎將。不祿。以興庶孽。嗣封適龐德之子會。隨鄧艾求滅關氏。報父讐。關氏逃匿莫樹先塋。雖帝考藏骸之井。義感村人。共建塋亦忘誌名氏。晉末淪劉石隔代難問。從其前溯之知爲夏忠臣龍逢。後漢敵仕諫大夫。至帝親承之祖若考。反無知者。從其後求之。元魏朗。字子明。習易春秋。孝文馳驛。諮軍國事。屢徵不仕。傳南北朝康之。字伯愉。善左氏春秋。數辟勿就。孫播。字務元。遷衛汲。以唐德宗時及第。位平章。裔孫玉。字子玉。仕元。歷曲陽。藁城二令。孫珍。遷行唐。任提領。博綜爲時宗。尙遞去故里。經變亂無

由詳世譜。惟知能世其春秋。云昔素王以春秋兩時。日行至中。作史命篇。故帝答操書。稱日在天上。心在人內。其力行石磐公之家學。迄今耿照。於康熙十七年戊午。常平士于昌。肄業塋廟。即道遠公之舊居也。昌醉篤畫夢。帝呼授易碑二大字。督視殿西物。念白郡。寤而就焉。有渚井者。得巨磚。字頗斷裂。昌急合讀。即帝考奉祀厥考之主。中紀生死甲子。併兩世字諱大畧。因循山求墓道合券。奔告郡守。郡守王朱且愀然曰。且於丁酉秋。旅宿涿。夢帝揖迎。界巨觥曰。煩椽筆。敘生平。又顧周將軍倉曰。已極醉。須疾扶勿致傷。次日遇客邀飲。醉墜馬。觸巨石無恙。因爲關帝論一篇。今忽守此。合諸於所陳。則關帝前識殆欲表其先塋歟。且聞孔子齒備七十二候之氣。關帝閱干支紀年之全。俱天鍾嶽降。而孔子訪墓五父之衢。帝身殉國。以兩世幽竊

藉後人可勿亟表正哉。試登峰梯對唐虞故闕。恍同岱日曝物。條風解慍。撥茅茨。濯金泥。下土塔。試玉檢。聚映兩阡於南昭北穆間。覓見霜落。更若較眉。謹蒐軼蹟。書勒豐碑。


聖帝姓關。諱羽。字長生。號雲長。後主追諡壯穆侯。宋高宗封以王明神宗加封以帝。河東解梁人。夏忠臣龍逢後也。身長九尺六寸。鬚長一尺七寸。面如鰲棗。唇若丹硃。鳳目蠶眉。臉有七痣。德全五行。通易傳春秋。志持漢鼎。




聖帝祖諱審字問之號石磐。生於漢和帝永元二年庚寅。居解梁常平村寶池里五甲。公冲穆好道。研究易傳春秋。見漢政蠱戚。晚長秋互竊枋柄。火德灰寒。外枯中竭。絕意進取。去所居之五里許。得芬場一片淨土。誅茅絃誦。以春秋易訓子。數十年謝塵市軌迹。至桓帝永壽三年丁酉卒。壽六十八。葬於條山之麓。



聖帝父諱毅字道遠。克續父石磐公之學。篤孝有至性。及父卒。即具窆於所。著讀書處仍先志也。暨踊號泣。廬墓終喪。至桓帝延熹二年己亥。始歸故居焉。



道遠公。葬石磐公。不知涓吉。狗福澤爲子孫計。而其地適當條之至中。羣峰交擁。勢馳萬馬。咸整整列。無亂顏行。左旗右鼓。俯龍解池。盤旋襟帶。山靈發祥。篤生聖帝。非偶然也。




漢桓帝延熹二年庚子六月廿四日。有烏龍見於村。旋繞於道遠公之居。遂生聖帝。異哉。猶之二龍繞室。五老降庭。生孔子也。




聖帝生而英奇。及長。膂力敵萬夫。忠孝性生。讀書明易傳。尤好左氏春秋。以古今事爲己任。及戊午生子平。次年己未。聖帝二十歲。遂謝父母曰。兒已有後。足奉祖禰。今漢室將燼。盈廷觚稜。輻邪。誰爲扶紅日照人心者。遂詣郡陳時事。不報。



聖帝詣郡歸途。遇一相士。目之曰。君稟乾坤正氣。後當血食萬年。何論名業。殆神相士也。




聖帝止旅舍。聞隣人哭甚哀。叩之乃韓守義也。遭郡豪呂熊荼毒。呂黨連七姓。黠猾事中。增戾職紀。聖帝毗裂髮。暨命守義導至七所。悉斬刈之。



避難至涿

聖帝既除豪意。郡守稔知羣惡。必原義士。勿引繩批根。遂潛去之。轉行五載。至於涿郡。



桃園聚義

後漢昭烈帝涿州人名備字玄德中山靖王之後也具英姿有大志
值黃巾賊倡亂將興義兵助州郡討之聖帝適至涿與之遇知其非
常人可輔之有成且帝胄也又有涿人張飛字翼德諡桓侯英勇亞
於聖帝昭烈帝與之友善有同心因共推昭烈爲兄義聚於桃園矢
勦賊立功扶王室偕生死靡有二心焉

四明孫百齡原本記云分雖主臣而恩若兄弟又云恩若兄弟
非結兄弟也未及尋思難免疎忽之咎即考訂諸前輩並未
及詳究隨意書之是以獲罪聖帝則有癸酉七夕降乩之批
示今遵

帝批將數語刪去續誌於後以俟古今瞻仰

聖帝批云

關夫子聖蹟圖考

正編卷之一

十七

貽燕山房藏版

大地江山蒸雨氣九州歲月熟春秋淮黃交會波濤急都是忠魂痛
不休解曰盛夏大旱已久其七夕前江南諸郡無不祈求雨澤至七夕後則有大雨連綿四五晝夜其
七夕前止見黃水長淮水溜至七夕後黃淮交相助長水勢洶湧數年以來未有之水非忠魂痛
不休而何也參詳四語應應非靈威赫奕者歟

洪子心志堅久誠爲難得但吾誌中汝竟未細心體認執偏見不經
之語據以爲實吾心甚爲不安即如桃園義聚一幅內曰恩若兄弟
分雖主臣此言可恨况當初吾與兄長三弟俱在一介寒微只因張
角猖亂吾等爲生民起見又爲漢室衰微一腔忠義思欲救生民於
水火尊漢室以奠安適逢三人志氣相符故結爲兄弟此時有何主
臣之可分若分爲主臣則吾三人爲悖逆之流耳又言非結兄弟也
此言可斬汝宜速改且吾與兄長三弟以及武侯子龍等義氣投合
雖分身各體而心志皆同誌中皆當作文以列諸首而吾心方安至

黃希聲之名與文俱宜削去除陳壽傳外皆可載入也

批畢而退凡在壇諸梓工等初聞異香滿室繼觀批示無不驚
駭噫

帝之靈爽無所不昭發人之所未發言人之所未言有如日月之明
朗耀萬古豈世人淺識者所可得而妄議哉

關夫子聖蹟圖考

正編卷之一

十八

貽燕山房藏版

勝全州涿



按三人義聚後。往見郡太守劉焉。適報賊黨程遠志。率五萬衆將寇涿州。太守令校尉鄒靖引先主爲先鋒。與帝侯同往禦。遇於大興山下。大破之。涿軍全勝。太守喜。因厚待先主。



按劉先主在涿時。報青州太守龔景。牒文請兵。先主願往。但慮衆寡不敵。當出奇兵以制之。因令聖帝伏山左。桓侯伏山右。次日決戰。先主佯退走。賊衆追之。鳴金伏起。賊衆驚潰。斬首不可勝計。遂解青州圍。

